

Alat ritual komburongo Dusun Tobilung: Hiasan dan kepercayaan

ABSTRAK

Sebahagian kecil daripada etnik Tobilung yang menetap di daerah Kota Belud, Sabah masih pegang kepada kepercayaan tradisional, yang diwarisi secara turun-temurun. Mereka percaya kepada pelbagai jenis semangat baik dan jahat. Salah satu semangat baik yang dipercayai mereka ialah komburongo, iaitu bahan kajian ini. Permasalahan yang timbul adalah alat ritual komburongo etnik Tobilung dihiasi dengan pelbagai jenis bahan. Terdapat sesetengah etnik Tobilung berpendapat bahawa bahan-bahan hiasan adalah mencantikkan alat ritual komburongo, manakala sesetengah etnik Tobilung lain berpendapat bahawa hiasan komburongo ini mempunyai kuasa ghaibnya. Oleh itu, tulisan ini memberi tumpuan menganalisis hiasan alat ritual komburongo, yang berkait dengan kepercayaan turun-temurun Etnik Dusun Tobilung. Bagi mengumpul data kajian, kerja lapangan telah dijalankan di enam buah kampung yang didiami oleh etnik Dusun Tobilung. Data kajian yang berkait dengan hiasan dan kepercayaan etnik Tobilung terhadap komburongo dianalisis secara interpretasi dan disokong oleh bahan kajian yang lepas. Hasil analisis mendapati sesetengah hiasan komburongo mempunyai signifikan kuasa ghaib, yang dapat menambah kuasa alat ritual komburongo. Perbandingan yang dilakukan atas alat ritual komburongo etnik Tobilung dengan etnik Kadazan Dusun lain turut mendapati sesetengah daripada mereka percaya bahawa hiasan alat ritual komburongo berfungsi menguatkan kuasa alat ritual komburongo. Kajian ini penting bagi menonjolkan kepercayaan etnik Tobilung terhadap hiasan komburongo dan juga kaitannya dengan kepercayaan turun-temurun mereka.